

四庫未收書輯刊編纂委員會編

四庫未收書輯刊

北京出版社

叅輯・伍冊

四庫未收書輯刊

四庫未收書輯刊編纂委員會編

北京出版社

參輯·伍冊目錄

尚書涉傳四卷〔清〕戴祖啓撰

尚書古文證疑四卷〔清〕孫喬年撰

古文尚書辨八卷〔清〕謝庭蘭撰

尚書古文辨惑二十二卷目錄二卷〔清〕張諧之撰

禹貢彙覽四卷總論一卷〔清〕夏之芳撰

禹貢註節讀一卷圖說一卷〔清〕馬俊良撰

洪範說二卷〔清〕李光地撰

一

一〇九

一七七

二六三

五七一

六六五

七二七

〔清〕戴祖啟撰

尚書涉傳四卷

清嘉慶元年資敬堂刻本

嘉慶元年開雕

尚書涉傳

資敬堂藏板

戴未堂經說序

乾隆戊戌春予分校禮闈將夕得一卷甚肅茂字裏行間皆有經術方家之氣喜而不寐晨起再閱益佳薦之堂今緯城王偉人相公亟取之金壇于文襄公尤擊節以爲子房首卷已而余房得繆會元金壇曰君一房而元魁二母乃泰乎盍推以與人於是彭六一學士喜是卷遂讓之榜發則爲戴君祖啓宿學也余兄竹君迎詫予曰汝何以能得戴君蓋榜前以闡文質於先兄先兄曰嘻子文誠高古然知者鮮矣倘遇我石君或有幸乎方君未成進士里山尚書方撫陝延君主講書院陝右人士大興焉

序


書奏君續送部引

見

上問故事左右無知君者乃試制藝一篇

命以國子監官用君不及待銓復出都越四年癸卯厭世其子衍善錄君所著經子四種命其弟衍士持來晚以示予曰尙書協異尙書涉傳春秋五測老子新解余屬沈嵩門進士景熊王晚馨孝廉紹蘭校之二君皆湛深于經籍者頗有異同余覆披君所著錄蓋老書生穿穴衆說而自標其所以成一家言不必競是非於前賢而自有不可沒者也尙書專注今文二十八篇亦食肉必食馬肝者也衍

原缺



尙書涉傳序

未堂先生之注尙書也命之曰涉傳者取史記涉尙書以教之意是以明其正也訓詁議論不敢一字無所本是以明其慎也博采衆家必標其所出著其長而沒其短是以明其厚也周人得者不敢越而取漢漢人得者不敢越而取唐取宋於古皆無始下已意是以明其順也先儒自程子朱子外其他皆名以尊聖經是以明其敬也自唐以前讖緯之書弗采依託弗采荒怪弗采自唐以後蕪累之說弗采語通俗不雅馴者弗采蘇氏林氏呂氏蔡氏真氏金氏吳氏及近時胡氏閻氏諸家注解各自成書專行於世者弗采是以明其潔也義必有繫於家國天下典禮彛倫之重身心自治之本是以明其大也正大以主之慎厚以持之敬以出之順以施之潔以成之斯先生所以爲經師也夫斯先生所以爲人師也夫門弟子記尾

尙書涉傳序

上元戴祖啓著

爾雅釋詁典常也釋言典經也詩傳典法也班固曰自古書契之作而有史官其載籍博矣至孔氏纂之上繼

唐堯下訖秦繆唐虞以前雖有遺文其語不經故言黃帝顓頊之事未可明也愚謂律術志既云堯繼帝嚳不知世數又云帝嚳四妃陳豐生帝堯封於唐兩說不同蓋上古草昧世次難明故兩存之唐太宗曰朕今所好者惟在堯舜之道周孔之教以爲如鳥有翼如魚有水失之則死不可暫無廉希憲曰丈夫見義勇爲謂聖

書涉傳 卷一

稷契伊傳周召爲不可及是自棄也此一君一臣可謂善讀書矣

曰若稽古

曰若發語辭也詳見協異釋詁粵曰也說文粵審慎之詞周禮汪稽猶考也篇名堯典實兼述堯舜二帝之事故以曰若稽古發之自帝堯以至於四海邊裔八音稽古帝堯也自月正元日以至於陟方乃死稽古帝舜也帝堯曰放勳欽明文思安安允恭克讓光被四表格于上下

李校書云放者大而無所不至也釋詁勳功也欽敬也

釋言明朗也馬融云經緯天地謂之文鄭康成云慮深

通敏謂之思釋詁安定也允信也誠也恭敬也鄭云不懈於位曰恭釋言克能也鄭云推賢尙善曰讓釋言光充也釋詁格至也愚謂欽明文思者心也心不容力故曰安安恭讓者行也行若可力故曰允曰克程子所謂涵養須用敬進學則在致知者本乎欽明之旨也孟子所謂堯舜性之者本乎安安之旨也愚讀書而知欽之一言帝王同心天人共貫也立政曰帝欽罰之天之動威不敢不欽而況於人乎況於帝王乎

克明俊德以親九族九族既睦平章百姓百姓昭明協和

萬邦黎民於變時雍

卷一

萬邦黎民於變時雍

釋詁駿大也五經異義今戴禮尙書夏侯陽說云九族乃異姓有親屬者父族四五屬之內爲一族父女昆弟適人者與其子爲一族己女昆弟適人者與其子爲一族己之女子子適人者與其子爲一族母族三母之父姓爲一族母之母姓爲一族母女昆弟適人者其子爲一族妻族二妻之父姓爲一族妻之母姓爲一族古尙書說九族者上從高祖下至元孫凡九皆爲同姓也謹案禮總麻已上服恩之所及禮爲妻父母有服明在九族中也九族不得但施於同姓鄭云睦親也章明

也詩傳百姓百官族姓也國語注百姓百官也官有世功受氏姓也釋詁昭光也協和也說文黔黎也秦謂民爲黔首謂黑色也周謂之黎民詩傳於嘆辭釋詁時是也釋訓雍雍和也董仲舒曰爲人君者正心以正朝廷正朝廷以正百官正百官以正萬民正萬民以正四方四方正遠近莫敢不壹於正而亡有邪氣奸其間者是以陰陽調而風雨時羣生和而萬民殖五穀熟而草木茂愚謂董子此言則堯典之義疏也

乃命羲和欽若昊天歷象日月星辰敬授人時

馬云羲氏掌天官和氏掌地官四子掌四時孔穎達云

尙書

卷一

三

左傳稱少昊氏以鳥名官五鳩氏卽周世之卿官也五鳩之外別有鳳鳥氏術正也班在五鳩之上是上代以來皆重術數故知堯於卿官之外別命羲和掌天地也於時羲和似尊於諸卿後世以來稍益卑賤周禮太史掌正歲年以序事卽古羲和之任也傳又云日官居卿以底日猶尙尊其所掌同之卿官釋言若順也詩傳元氣廣大則稱昊天釋詁術數也易傳在天成象象也者像也春秋傳日月之會是謂辰故以配日周禮太史正歲年以序事注中數曰歲朔數曰年中朔大小不齊正之以閏若今時作術日矣定四時以次序授民時之事

春秋傳曰閏以正時時以作事事以厚生生民之本於是乎在愚謂堯首命羲和敬授人時舜首咨十二牧食哉惟時孔子告顏淵首曰行夏之時孟子告齊梁之君首曰不違農時政莫有先焉者也旣曰欽若又曰敬授下文又曰寅賓寅饒曰敬致斯所謂言敬必及天者與分命羲仲宅嵎夷曰暘谷寅賓出日平秩東作日中星鳥以殷仲春厥民析鳥獸孳尾

釋言宅居也馬云嵎海隅也王肅云皆居京師而統之

亦有時述職馬云暘谷海隅夷之地名釋詁寅敬也愚

謂五帝本紀術日月而迎送之此寅賓者卽迎也下文

尙書

卷一

四

寅饒者卽送也釋詁秩常也詩傳作生也釋言作爲也馬云古制刻漏晝夜百刻晝長六十刻夜短四十刻晝短四十刻夜長六十刻晝中五十刻夜亦五十刻孔穎達云融之此言據日出見爲說天之晝夜以日出入爲分人之晝夜以昏明爲限日未出前二刻半爲明日入後二刻半爲昏損夜五刻以裨於晝則晝多於夜復校五刻古今算術與太史所候皆云夏至之晝六十五刻夜三十五刻冬至之晝四十五刻夜五十五刻春秋分分之晝五十五刻夜四十五刻孔又云在天成象星作鳥形曲禮說軍陳象天之行前朱雀後元武左青龍右

白虎是天星有龍虎鳥龜之形也四方皆有七宿各成一形東方成龍形西方成虎形皆南首而北尾南方成鳥形北方成龜形皆西首而東尾此經舉宿爲文不類春言星鳥總舉七宿矣言星火獨指房心虛昂惟舉一宿文不同者互相通也計仲春日在奎婁而入於酉地則初昏之時井鬼在午柳星張在巳軫翼在辰是朱雀七宿皆得見也天道左旋日體右行故星見之方與四時相逆春則南方見夏則東方見秋則北方見冬則西方見此勢自當然耳釋言殷中也厥其也說文尾交接也

尚書傳

卷一

五

申命義叔宅南交平秩南訛敬致日永星火以正仲夏厥民因鳥獸希革

釋詁申重也五帝本紀北至於幽陵南至於交趾幽陵卽下文幽都交趾卽此南交也釋詁訛動也釋言訛化也周禮冬夏致日春秋致月此言敬致蓋致日也釋詁永長也夏小正五月初昏大火中說云大火者心也孔穎達云計仲夏日在東井而入於酉地則初昏之時角亢在午氏房心在巳尾箕在辰是東方七宿皆得見也說文因就也釋詁希罕也詩傳革猶皮也鄭云夏時鳥獸皮疏毛見

分命和仲宅酉曰昧谷寅饒納日平秩西成宵中星虛以殷仲秋厥民夷鳥獸毛毳

說文饒送去也釋言宵夜也周禮注宵定昏也孔穎達云計仲秋日在角亢而入於酉地初昏之時斗牛在午女虛危在巳室壁在辰釋詁夷平也鄭云毳理也毛更生瑩理

申命和叔宅朔方曰幽都平在朔易日短星昴以正仲冬厥民隩鳥獸氄毛

釋訓朔北方也釋地北方之美者有幽都之筋角焉注幽都山名釋詁在祭也王肅云改易者謹約蓋藏循行

尚書傳

卷一

六

積聚詩嗟我婦子曰爲改歲入此室處是也孔穎達云三時皆言平秩此獨言平在者以三時乃役力田野當次序之冬則物皆藏入須省祭之故異其文鄭云昴白虎中宿也釋宮室西南隅謂之隩孫炎云室中隱隩之處也馬云氄溫柔貌虞喜云堯時冬至日短星昴今二千七百餘年乃東壁中則知每歲漸差之所至愚謂自古言歲差實始於此又唐書天文志凡晷差冬夏不同南北亦異今爲覆矩圖南自丹穴北暨幽都每極移一度輒累其差可以稽日食之多少定晝夜之長短而天下之晷皆協其數矣自古論晝夜永短以南北里差言

實始於此

帝曰咨汝羲暨和朞三百有六旬有六日以閏月定四時成歲允釐百工庶績咸熙

詩傳咨嗟也釋詁暨與也王肅云朞四時說文旬徧也十日爲旬閏餘分之月五歲再閏後律術志日行一度積三百六十五度四分度一而周天一匝名曰歲孔穎達云周天三百六十五度四分度之一而日行一度則一朞三百六十五日四分日之一此言三百六十六日者王肅謂四分日之一又入六日之內舉全數以言之故云三百六十六日也史記術書正閏餘張注引鄭

術書涉傳

卷一

七

平落下閏云一月之日二十九日八十一分日之四十八按計其餘分成閏故云正閏餘也每一歲三百六十六日餘六日小月大月是一歲餘十二日大計三十三月則一閏之耳案大月二字疑是六日之訛孔又云所以無閏時不定歲不成者若以無閏三年差一月則以正月爲二月每月皆差九年差三月卽以春爲夏若十七年差六月卽四時相反時何由定歲何得成乎故須置閏以定四時故左傳云履端於始序則不愆舉正於中民則不惑歸餘於終事則不悖是也釋詁庶衆也續事也功也咸皆也熙興也

帝曰疇咨若時登庸放齊曰胤子朱啟明帝曰吁嚚訟可乎

釋詁疇誰也詩傳庸用也釋詁引繼也馬鄭皆云帝之引子曰朱也說文吁驚也春秋傳曰不道忠信之言爲嚚嚚謂盤庚今汝聒聒起信險膚予弗知乃所訟亦嚚訟之意啟明者心通嚚訟者口給似而非也夫舍子而求賢聖人以天下爲度也安儲以保世人臣以一君爲心也是以啟明之對不比於三凶焉

帝曰疇咨若予采驩兕曰都共工方鳩僝功帝曰吁靜言庸違象恭滔天

術書涉傳

卷一

八

釋詁采事也都於也鄭云共工水官名其人名氏未聞先祖居此官故以官氏也釋詁鳩聚也說文僝具也功以勞定國也詩傳滔慢也

帝曰咨四岳湯湯洪水方割蕩蕩懷山襄陵浩浩滔天民其咨有能俾乂兕曰於鯀哉帝曰吁咈哉方命圯族岳曰異哉試可乃已帝曰往欽哉九載績用弗成

詩傳蕩之時姜氏爲四伯掌四嶽之祀述諸侯之職愚謂國語論四岳及禹云此一王四伯則四岳四人也又曰共之從孫四嶽佐之則四嶽兄弟四人也詩傳湯湯水盛貌釋詁洪大也釋言割裂也說文割剝也詩傳蕩

平易也釋言襄駕也釋地大旱曰陵說文潛水漫漫大兒釋詁俾使也又治也僉皆也國語有崇伯鯀馬云禹父也說文咈違也孟子方命虐民注方猶逆也釋詁圯毀也說文昇舉也釋言試用也釋天載歲也夏曰歲商曰祀周曰季唐虞曰載鄭興曰堯知絲不可用而用之者居已之明因人之心也庚峻曰雖聖人之宏猶有所未盡故禹曰知人則哲惟帝難之然卒能改授聖賢緝熙庶績亦所以成聖也

帝曰咨四岳朕在位七十載汝能庸命巽朕位岳曰否德忝帝位曰明明揚側陋師錫帝曰有齔在下曰虞舜帝曰

虞書

卷一

九

俞予聞如何岳曰瞽子父頑母嚚象傲克諧以孝烝烝乂不格姦帝曰我其試哉女于時觀厥刑于二女釐降二女于嬀汭嬪于虞帝曰欽哉

釋詁朕我也蔡邕云古者上下共稱至秦然後天子獨以爲稱漢因而不改馬云巽讓也詳見協異釋言忝辱也愚謂史記稱堯讓天下於許由許由不受許由疑卽四嶽不受卽否德忝帝位之說也春秋傳謂許太岳之引是其證也釋言陋隱也釋詁師衆也錫賜也王制老而無妻曰齔孔穎達云詩何人不矜齔離室家尙謂之齔不獨老而無妻始稱齔矣王肅云虞地名也皇甫謐

云今河東太陽山西虞地是也釋言俞然也論語包注瞽冒也春秋傳心不則德義之經爲頑釋詁諧和也釋訓善父母爲孝釋詁烝進也詩傳烝烝厚也五帝本紀舜父瞽瞍盲而舜母死瞽瞍更娶妻而生象象傲瞽瞍愛後妻子常欲殺舜舜避逃及有小過則受罪順事父及後母與弟日以篤謹匪有解愚謂春秋傳自暮至于瞽瞍無違命孟子亦言瞽瞍底豫又言瞽亦允若則瞽之化於舜也久矣萬章焚廬浚井之說蓋孟子之所不勞辨也世未有以女試人者也帝曰我其試哉則必已知其人矣已知其人而猶試之者閨門之內夫婦之際

南書

卷一

十

正始之道王化之基子謂伯魚爲周南召南亦此意也釋言觀示也釋詁刑法也詩傳釐賜也釋言降下也律術志舜處虞之嬀汭說文汭水相入也釋親嬪婦也本紀堯以二女妻舜以觀其內九男與處以觀其外舜居嬀汭內行彌謹堯二女不敢以貴驕事舜親戚甚有婦道堯九男皆益篤

慎徽五典五典克從納于百揆百揆時叙賓于四門四門穆穆納于大麓烈風雷雨弗迷

釋詁徽善也鄭云五典五教也蓋試以司徒之職釋言揆度也說文敘次第也馬云四門四方之門釋詁穆穆

美也釋訓穆穆敬也穀梁傳林屬於山曰麓釋言迷惑也易程傳震驚百里不喪七也臨大震懼能安而不自失者惟誠敬而已此處震之道也春秋傳虞書數舜之功曰慎敎五典五典克從無違敎也納于百揆百揆時敘無廢事也賓于四門四門穆穆無凶人也王肅云堯得舜任之事無不統自慎敎五典以下是也

帝曰格汝舜詢事考言乃言底可績三載汝陟帝位舜讓于德弗嗣

釋言格來也釋詁詢謀也周禮注乃猶女也釋言底致也釋詁陟升也嗣繼也愚謂舜讓不怡此舜之所以有

傳

卷一

十二

天下而不與也魏太子抱辛毗頸曰知我喜否此魏之所以竊天下而不昌也

正月上日受終于文祖

史記術書昔自在古術建正作於孟春然則自堯舜以來皆建寅也王肅等以爲惟殷周改正易民視聽自夏已上皆以建寅爲正是也馬云上日朔日也王又云文祖廟名五帝本紀文祖者堯大祖也於是帝堯老命舜攝行天子之政以觀天命孟子曰堯老而舜攝也

在璇璣玉衡以齊七政

璣當作機詳見協異馬云璿美玉也機渾天儀可轉旋

故曰機衡其橫簫所以視星宿也以璿爲機以玉爲衡蓋貴天象也鄭云轉運者爲機持正者爲衡璿機玉衡渾天儀也七政日月五星也蔡邕云玉衡長八尺孔徑一寸下端望之以視星辰蓋懸機以象天而以衡望之轉機窺衡以知星宿機徑八尺圓周二丈五尺而強蔡又云言天體者有三家一曰周髀二曰宣夜三曰渾天宣夜之學絕無師法周髀數術具存考驗天狀多所違失故史官不用惟渾天者近得其情今史官所用候臺銅儀則其法也立八尺圓體之度而具天地之象以正黃道以察發欽以行日月以步五緯精微深妙萬世不

傳

卷一

十三

易之道也虞喜云周髀之術以爲天似覆盆蓋以斗極爲中中高而四邊下日月旁行繞之日近而見之爲晝日遠而不見爲夜渾天者以爲地在其中天周其外日月初登於天後入於地晝則日在地上夜則日入地下主審渾天說天之形狀似鳥卵天包地外猶卵之裏實圓如彈丸故曰渾天言其形體渾渾然也其術以爲天半覆地上半在地下其天居地上見有一百八十二度半強地下亦然北極出地上三十六度南極入地下亦三十六度而嵩高正當天之中極南五十五度當嵩高之上又其南十三度爲夏至之日道又其南二十四度

爲春秋分之日道又其南二十四度爲冬至之日道南下去地三十一度而已是夏至日北去極六十七度春秋分去極九十一度冬至去極一百一十五度此其大率也其南北極持其兩端其天與日月星宿斜而同轉孔穎達云此必古有其法遺秦而滅漢宣帝時耿壽昌始鑄銅爲之象史官施用焉馬云日月星皆以璿機玉衡度知其盈縮進退失政所在聖人謙讓猶不自安視璿機玉衡以驗齊日月五星行度知其政是與否重審已之事也楊賜曰王者心有所惟意有所想雖未形顏色而五星以之推移陰陽爲其變度此舜在機衡以齊

尙書步傳

卷一

三

七政之說也

肆類于上帝禋于六宗望于山川徧于羣神

釋詁肆故今也夏侯歐陽皆云類祭天者以事類祭之古尙書說非時祭天謂之類王肅云上帝天也易程傳以形體謂之天以主宰謂之帝釋詁禋祭也國語精意以享曰禋詩傳宗尊也虞喜別論云六爲地數推案經句闕無地祭則祭地也劉昭申之云類于上帝是祭天不言天而曰上帝帝是天神之極舉帝則天神斯盡日月星辰從可知也禋于六宗是實祭地地不言地而曰六宗六是地數之中舉中足以該數社稷等祀從可

知也愚謂六宗之目先儒訖無定論以愚度之蓋卽禹

貢之六府也春秋傳水火金木土穀謂之六府此卽耳誓洪範之五行周禮月令之五帝五神每代祀典者也其配土以穀者卽洪範土爰稼穡之義國語祭法所謂祀以爲社祀以爲稷亦每代祀典者也水火金木土五方之神詩所謂以社以方也其一穀神配以先農詩所謂以御田祖也合而言之春秋傳所謂社稷五祀是尊是奉者也傳又說社稷五祀之目云木正曰句芒火正曰祝融金正曰蓐收水正曰元冥土正曰后土后土爲社稷田正也有烈山氏之子曰柱爲稷自夏以上祀之

尙書步傳

卷一

五

傳之此言則六宗之義疏也其云是尊是奉則宗之爲尊可見矣其云自夏以上祀之則其爲唐虞之故事又可見矣禹貢曰六府孔修庶土交正社稷五祀實皆地祇經又以六宗與上帝對言則禋于六宗之爲祭地審矣春秋傳望郊之細也洛誥曰王肇稱殷禮祀于新邑咸秩無文徧于羣神之謂也

輯五瑞既月乃日觀四岳羣牧班瑞于羣后

釋言輯合也馬云輯欽也五瑞公侯伯子男所執以爲瑞信也周禮典瑞公執桓圭侯執信圭伯執躬圭子執穀璧男執蒲璧注人執以見曰瑞禮神曰器釋詁觀見

也曲禮九州之長入天子之國曰牧釋言班賦也釋詁后君也

歲二月東巡守至于岱宗柴望秩于山川肆觀東后協時月正日同律度量衡修五禮五玉三帛二生一死贊如五器卒乃復五月南巡守至于南岳如岱禮八月西巡守至于西岳如初十有一月朔巡守至于北岳如西禮歸格于藝祖用特

鄭云歲二月者正歲建卯之月巡守者行視所守也詩傳東岱岱南岳衡西岳華北岳恒封禪書岱宗泰山也釋天祭天曰燔柴郊特牲天子適四方先柴馬云祭時

傳書涉傳

卷一

積柴加牲其上而燔之張純曰至于岱宗柴則封禪之義也許懋曰燔柴岱宗是為巡狩而鄭引緯書云封于太山考續柴燎禪乎梁甫刻石紀號此緯書之曲說非正經之通義也舜五載一巡狩春夏秋冬周徧四岳若為封禪何其數也若聖主不須封禪若凡主不應封禪愚謂封禪之議此為定矣鄭云望秩于山川者遍以尊卑祭之五嶽視三公四瀆視諸侯其餘小者或視卿大夫或視伯子男矣秩次也封禪書東后者諸侯也孔穎達云周禮太史正歲年頒告朔於邦國則節氣晦朔皆天子之猶恐諸侯國異或不齊同故曰巡狩而合和

之王肅云齊同也律術志虞書曰乃同律度量衡所以齊遠近立民信也聲者宮商角徵羽也五聲之本生於黃鐘之律九寸為宮或損或益以定商角徵羽九六相生陰陽之應也律十有二陽六為律陰六為呂律以統氣類物一曰黃鐘二曰太簇三曰姑洗四曰蕤賓五曰夷則六曰亡射呂以旅陽宣氣一曰林鍾二曰南呂三曰應鍾四曰大呂五曰夾鍾六曰中呂度者分寸尺丈引也所以度長短也量者龠合升斗斛也所以量多少也衡權者衡平也所以任衡而均物平輕重也權者銖兩斤鈞石也所以稱物平施知輕重也凡律度量衡用

傳書涉傳

卷一

銅者名自名也所以同天下齊風俗也銅為物之至精不為燥溼寒暑變其節不為風雨暴露改其形介然有常有似於士君子之行是以用銅也馬云五禮吉凶賓軍嘉也鄭云五禮公侯伯子男朝聘之禮矣五玉瑞節執之曰瑞陳列曰玉也王云三帛纁元黃也附庸與諸侯之適子公之孤執皮帛其執之色未詳聞或云孤執元諸侯之適子執纁附庸執黃曲禮凡摯天子帑諸侯土卿羔大夫雁士雉馬云二生羔雁卿大夫所執一死雉士所執鄭云贊之言至所執以自至也馬云五器上五玉也釋詁卒終也釋言還復還也馬云五玉禮終則

還之三帛以下不遠愚謂聘義以圭璋聘重禮也已聘而還圭璋此輕財而重禮之義也則馬氏之說有徵矣王制注特特牛也祖下及禴皆一牛

五載一巡守羣后四朝敷奏以言明試以功車服以庸

鄭云巡守之年諸侯朝於方岳之下其間四年四方諸侯分來朝於京師歲徧王制天子五年一巡守注天子以海內爲家時一巡省之五年者虞夏之制也周則十二歲一巡守詩傳敷布也說文奏進也釋詁庸勞也覲禮天子賜侯氏以車服王通曰舜一歲而巡五岳國不費而民不勞何也兵衛少而徵求寡也

尙書涉傳 卷一 七

肇十有二州封十有二山濬川

釋詁肇始也國語注州聚也地理志黃帝方制萬里畫壘分州馬云禹平水土置九州舜以冀州之北廣大分置并州燕齊遼遠分燕置幽州分齊爲營州於是爲十二州愚謂谷永班固皆謂堯遭洪水天下分絕爲十二州以肇始之訓觀之馬說爲長孔穎達云周禮職方氏九州之名有幽并無徐梁周立州名必因於古知舜時當有幽并職方幽并山川於禹貢皆冀州之域知分冀州之域爲之也爾雅釋地九州之名於禹貢無梁青而有幽營云燕曰幽州齊曰營州孫炎以爾雅之文與職

方禹貢並皆不同疑是殷制則營州亦有所因知舜時亦有營州齊卽青州之地知分青州爲之左傳云昔夏之方有德也貢金九牧則禹登王位還置九州其名蓋如禹貢也愚謂王莽傳亦稱堯典十有二州後定爲九州則孔氏之說更有證矣孔又云職方氏每州皆云其山鎮曰某山舜時十有二山事亦然也州內雖有多山取其最高大者以爲其州之鎮其有川無大無小皆當深之不復舉其大者故直云濬之而已釋言濬深也象以典刑流宥五刑鞭作官刑扑作教刑金作賈刑青災肆赦怙終賊刑欽哉欽哉惟刑之恤哉

尙書涉傳 卷一 六

馬云言咎繇制五常之刑無犯之者但其象無其人也流放宥寬也一曰幼少二曰老耄三曰蠢愚五刑墨劓剕宮大辟鄭云其輕者或流放之四罪是也三宥一曰弗職二曰過失三曰遺忘王云謂君不忍刑殺宥之以遠方言宥五刑則正五刑可見矣馬又云官刑爲辨治官事者爲刑鄭又云扑撻楚也扑爲教官爲刑者馬又云金黃金也意善功惡使出金贖罪坐不戒慎者說文贖質也鄭又云正刑五加之流宥鞭扑贖此之謂九刑馬端臨曰隋唐以來始制五刑曰答杖徒流死此五者卽有虞所謂鞭扑流宥雖聖人復起不可偏廢也春

秋肆大眚注赦有罪也公羊傳大省者何災眚也釋詁赦舍也釋言怙恃也愚謂告災雖肆赦怙終則賊刑此樂運所謂謹尋經典未有罪無輕重溥天大赦之文也釋詁恤憂也宋仁宗曰朕未嘗嘗人以死况敢濫用辟乎此欽恤之至意仁宗之所以爲仁也

流共工于幽洲放驩兜于崇山竄三苗于三危殛鯀于羽山四罪而天下咸服

說文放逐也馬王皆云三苗國名吳起云三苗之國左洞庭而右彭蠡五帝本紀三苗在江淮荊州數爲亂釋言殛誅也釋詁悅服也春秋傳舜臣堯賓于四門流四

尚書涉傳

卷一

九

凶族故虞書數舜之功曰賓于四門四門穆穆無凶人也五帝本紀於是舜歸而言於帝請流共工於幽陵以變北狄放驩兜于崇山以變南蠻遷三苗于三危以變西戎殛鯀于羽山以變東夷四皐而天下咸服愚謂左氏之意以誅四凶爲在賓於四門時也史公之意以誅四凶爲在初巡守時也按洪範鯀則殛死禹乃嗣與夫鯀殛而後禹興禹興而後有封山濬川之事則流四凶族當在正月受終之前不當在二月東巡之後左氏是也其曰言於帝曰請則孟子堯老舜攝孔子天無二日之義益明史記是也虞書乃敘於此者因上文言刑罰

類及之以證象以典刑流宥五刑之旨乃文之變非事之序也程子曰舜之誅四凶怒在四凶舜何與焉傳熒曰虞舜升朝先除四凶然後用十六相明惡人不去則善人無由進也

音
二十有八載帝乃殛落百姓如喪考妣三載四海遇宥人

釋詁殛落死也釋親父爲考母爲妣釋地九夷八狄七戎六蠻謂之四海釋詁遏止也密靜也周禮大師播之以人音金石土革絲木匏竹王肅曰昔唐禪虞虞禪夏皆終三年之喪然後踐天子之尊是以帝號無虧君禮

尚書涉傳

卷一

十

猶存

月正元日舜格于文祖

釋詁元始也王云月正元日猶言正月上日變文耳

詢于四岳闢四門明四目達四聰

釋言開闢也梅福曰博覽兼聽謀及疏賤合深者不隱遠者不塞所謂闢四門明四目也魏徵曰君所以明兼聽也所以暗偏信也堯舜氏闢四門明四目達四聰雖有其絲不能塞也靖言庸違不能惑也愚謂中庸言舜之大知好問而好察邇言隱惡而揚善執其兩端用其中於民則明目達聰之實也若漢文帝之止輦受言未

嘗不稱善諸葛公之集衆思廣忠益違覆而得中庶乎有以幾此矣

咨十有二牧曰食哉惟時柔遠能邇惇德允元而難任人蠻夷率服

釋詁咨謀也十有二州則十有二牧卽前所謂羣牧者也鄭食其曰知天之天者王事可成王者以民人爲天而民人以食爲天愚謂鄭生斯言王佐之才非良平所及也王符曰國之所以爲國者以有民也民之所以爲民者以有穀也穀之所以豐殖者以有民功也功之所以能建者以日力也化國之日舒以長故其民閒暇而

尚書涉傳

卷一

王

力有餘亂國之日促以短故其民困務而力不足得食哉惟時之義矣釋詁柔安也邇近也惇厚也易傳元者善之長也釋詁任王佐也率循也

舜曰咨四岳有能奮庸熙帝之載使宅百揆亮采惠疇僉曰伯禹作司空帝曰俞咨禹汝平水土惟時懋哉禹拜稽首讓于稷契暨皋陶帝曰俞汝往哉

釋詁庸勞也熙光也鄭云載行也釋詁亮相也釋言惠順也孔穎達云舜既卽位可以稱帝而言舜曰者承堯事下言舜曰以別堯於此一別以下稱帝也釋詁茂勉也周禮大祝辨九操一曰稽首注稽首拜頭至地也鄭

云稷棄也時天下賴后稷之功故以官名通稱俞汝往哉者然其舉得其人汝往居此官不聽其所讓

帝曰棄黎民阻饑汝后稷播時百穀

釋詁阻難也王云播敷也

帝曰契百姓不親五品不遜汝作司徒敬敷五教在寬王云五品五常也說文遜順也周禮大司徒注教所以親百姓訓五品也馬云五教五品之教釋言寬綽也愚謂孟子云使契爲司徒教以人倫父子有親君臣有義夫婦有別長幼有序朋友有信此堯典所謂敬敷五教也又云放勳曰勞之來之輔之翼之匡之直之使自得

尚書涉傳

卷一

王

之又從而振德之自勞來以至於振德此堯典所謂在寬也父子有親仁也君臣有義義也夫婦有別智也長幼有序禮也朋友有信信也此王肅所謂五品五常也春秋傳以父義母慈兄友弟恭子孝爲五教不及孟子備矣

帝曰皋陶蠻夷猾夏寇賊姦宄汝作士五刑有服五服三就五流有宅五宅三居惟明克允

釋詁夏大也論語包注諸夏中國鄭云猾夏侵亂中國也彊聚爲寇春秋傳殺人不忌爲賊亂在外爲姦在內爲軌釋詁士察也注士師官主聽察馬云士獄官之長五